

ԻԶԵՎԱՆԻ Ս. ՆԵՐՍԵՍ ՇՆՈՐՀԱԼԻ ՆՈՐԱԿԱՌՈՒՅՑ ԵԿԵՂԵՑՈՒ ՕՐՀՆՈՒԹՅՈՒՆՆ ՈՒ ՕԾՈՒՄԸ

«Տուն իմ տուն աղոթից կոյսցի»
(Մատթ. ԻԼ 13)

Օրերս վեր խոյացալ ևս մի սրբատաշ կառույց, մի եկեղեցի, որում պետք է համբարովեն համբառնող մարդկային աղոթքն ու փուլա-փուլա երկինք ընթացող խնկի բույրը:

Նորակառույցը Իջևան ֆաղափ Ս. Ներսես Շնորհալի եկեղեցին էր, որի շինարարական աշխատանքներն իրականացվել էր Մայր Աթոռի և բոստոնարնակ տեր և տիկին Գևորգ և Պերնուհի Ներսիսյանների նյութական աջակցությամբ ու տևել էր 1997 թ.-ի մարտից մինչև դեկտեմբեր: Ս. Ներսես Շնորհալի եկեղեցու կառուցման մեջ մեծ է ներդրումը Կանադահայոց բեմի առաջնորդ գերաշնորհ Տ. Հովնան արքեպս. Տերտրյանի, ինչպես նաև Քրիստոնեությունը Հայաստանում պետական կրոն հռչակման 1700-ամյակի գրասենյակի վարիչ-ֆարտուղար գերաշնորհ Տ. Մեսրոպ արքեպս. Աշնյանի:

Սույն թվականի հուլիսի 22-ին, Գուգարաց թեմի առաջնորդ Տ. Սեպուհ եպս. Զուլյանի տնօրինությամբ, որոշվել էր կատարել Իջևան ֆաղափ Ս. Ներսես Շնորհալի եկեղեցու օրհնության և օծման արարողությունը: Նախորդ օրը, հուլիսի 21-ին, գերաշնորհ Տ. Սեպուհ եպս. Զուլյանի նախագահությամբ կատարվել էր նորակառույց եկեղեցու «Դռնբացիք»-ի արարողությունը, ինքնաջա ուրի հավատացյալների բազմությունը համապատասխան աղոթքների ու սաղմոսերգու-“բյուռների ընթերցանության, հոգևոր շարականների երգեցողության մերժո հրավիրվել էր «աղոթքի տուն»:

Օրհնություն և օծում

Եկեղեցու օրհնության և օծման կարգն սկսվեց առաւոտյան ժամը 11.00-ին: Արարողության հանդիսապետն էր Գուգարաց թեմի առաջնորդ Սեպուհ Արքեպան: Ս. Ներսես Շնորհալի եկեղեցու օծմանը հաջորդեց անդրանիկ Սուրբ Պատարագը, որին ներկա էին Արարաւոյան Հայրապետական թեմի առաջնորդական փոխանորդ Տ. Գարեգին արքեպս. Ներսիսյանը, քրիստոնեությունը Հայաստանում պետական կրոն հռչակման տոնակատարությանը 1700-ամյակի գրասենյակի վարիչ-ֆարտուղար Տ. Մեսրոպ արքեպս. Աշնյանը, Կանադահայոց թեմի առաջնորդ Տ. Հովնան արքեպս. Տերտրյանը, հոգեշնորհ և արժանապատիվ հայրեր: Ներկաների թվում էին նաև Տավուշի մարզպետ տիար Պավլիկ Ասատրյանը, Իջևանի ֆաղափապետ տիար Արմեն Դուրայանը, ինչպես նաև մեծաթիվ կյուրեր, հավատացյալ հայորդիներ, ռիտավորներ:

Դպրաց երգչախումբը «Հրաշափառ»-ով դիմավորեց պատարագի Արքեպան Հոր գլխավորությամբ դեպի Սուրբ Խորան առաջնորդվող թափորին: Ս. Խորան քարձրանալուց հետո, պատարագի Արքեպան, ձեռք վերցնելով մյուռնաթափ աղավնին, «Առաքելոյ աղանույ» շարականի երգեցողությամբ Արքայույս Մյուռնը հեղից թքնոցի մեջ: Ապա տոնակատարեն զգեստավորված եպիսկոպոսները հաջորդաբար օրհնեցին ու օծեցին նորակառույց եկեղեցու սեղանը, պուրներն ու դռները՝ ամենուր սրբազործելով Ս. Մյուռնի դրոշմամբ:

Հավարտ օծման արարողության, Տ. Գարեգին արքեպս. Ներսիսյանն ընթերցեց Ամենայն Հայոց վեհափառ Հայրապետի «Օրհնութեան գիր»-ը, որում Ն. Ս. Օծություն Գարեգին Ա Կաթողիկոսն իր գնահատանքն ու հոգեկան ուրախությունն էր արտահայտում այս ուրախալից առիթով:

Մեր կյանքում եկեղեցու դերի ու նշանակության մասին հանգամանալից ֆարոգ խոսեց նաև պատարագիչ Արքազան Հայրը: «Այլևս այս վայրը սուրբ է: Հայոց եկեղեցին ունեցավ ևս մի աղոթքի տուն, ուր հայ մարդը իր խոսքն է հղում առ Աստված»,- ասաց Արքազան Հայրը՝ պատգամելով ներկա հավատացյալներին հավատարիմ մնալ հայրերի հավատքին: Թեմակալ Առաջնորդն իր երախտիքի խոսքն ուղղեց արարողությանը ներկա եկեղեցու բարերարներին՝ բոստոնահայ տեր և տիկին Գևորգ և Պերնուհի Ներսիսյաններին: Նրանց, ինչպես նաև Ամենայն Հայոց Գարեգին Ա Կաթողիկոսի նվիրատվություններով և Տ. Հովնան արքեպս. Տերտեչյանի ու Տ. Մեսրոպ արքեպս. Աշնյանի աջակցությամբ հնարավոր եղավ կառուցել եկեղեցին: Սեպուհ Արքազանն իր ֆարոգի վերջում ընդգծեց. «Եկեղեցին կենցաղային վայր չէ՛, այլ աղոթքի տուն»: Արքազան Հոր ֆարոգից հետո մատուցվեց անդրանիկ Ս. Պատարագը:



Վերջում կատարվեց հոգեհանգստյան կարգ՝ ի հիշատակ եկեղեցու բարերարների երախտարժան ձեռնդրերի:

Այսպիսով, ևս մեկ եկեղեցի կյանքի կոչվեց՝ դառնալու հայորդիների հոգևոր մխիթարության օթևանը, բարկացածների համգստարանը, սրբության կարոտով տոչորվածների բնակարանը:

ՄԱՐԿԱ ԱՐԵՂԱ ԽԱՉԱՏՐՅԱՆ



ԵԿԵՂԵՑՈՒ ՕՃՄԱՆ ՔՄԱՄԱՆԱԿ
ԴԱՆՈՒՆ ՄԱՅՐ ՍՈՐՈՒ ԳՍԵԳԻՆ ՄՐԱՍՋԱՆԷ ՍԿԻ Է ՆԱԿԻՈՒՄ ԵԿԵՂԵՑՈՒՆ